

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԵՐԵՎԱՆ ՔԱՂԱՔԻ ԱՎԱԳԱՆԻ

«-----»-----2023թ.

N----- Ա

ՈՐՈՇՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ՀՈԿՏԵՄԲԵՐԻ 29-Ի N10-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 4-րդ կետով և «Նորմատիվ իրավական ակտերի մասին» օրենքի 33-րդ և 34-րդ հոդվածներով՝

Երևանի քաղաքի ավագանին որոշում է.

1. Երևան քաղաքի ավագանու 2018 թվականի հոկտեմբերի 29-ի «Երևանի քաղաքապետարանի և վարչական շրջանի ղեկավարի աշխատակազմերի կառուցվածքը, հաստիքացուցակը, աշխատակիցների թվաքանակը, Երևանի քաղաքապետի, նրա տեղակալների, խորհրդականների, օգնականների, մամուլի քարտուղարի, քաղաքապետարանի աշխատակազմի աշխատակիցների, վարչական շրջանների ղեկավարների, ղեկավարների տեղակալների, վարչական շրջանի ղեկավարի աշխատակազմերի աշխատակիցների պաշտոնային դրույքաչափերը հաստատելու և Երևան քաղաքի ավագանու 2017 թվականի հունիսի 16-ի N16-Ա որոշման մեջ փոփոխություն կատարելու մասին» N10-Ա որոշման հավելված N2-ում կատարել հետևյալ փոփոխությունները.

1) «Լ. Կառուցվածքային ստորաբաժանումներ» բաժնի «Զարգացման և ներդրումային ծրագրերի վարչություն» գլուխը շարադրել հետևյալ խմբագրությամբ.

	Զարգացման և ներդրումային ծրագրերի վարչություն				
1	վարչության պետ	1	697,000		697,000

2	վարչության պետի տեղակալ	1	561,000		561,000
-	Զարգացման և ներդրումային ենթակառուցվածքային ծրագրերի բաժին				
3	բաժնի պետ	1	408,000		408,000
4	գլխավոր մասնագետ	1	289,000		289,000
5	առաջատար մասնագետ	2	282,200		564,400
6	առաջին կարգի մասնագետ	1	272,000		272,000
-	Միջազգային ներդրումային և այլ հաստատությունների նախագծերի համակարգման բաժին				
7	բաժնի պետ	1	408,000		408,000
8	գլխավոր մասնագետ	1	289,000		289,000
9	առաջատար մասնագետ	1	282,200		282,200
-	Էներգետիկ կառավարման բաժին				
10	բաժնի պետ	1	408,000		408,000
11	գլխավոր մասնագետ	1	289,000		289,000
12	առաջատար մասնագետ	2	282,200		564,400
	ԸՆԴԱՄԵՆԸ	14			5,032,000

2) «Լ. Կառուցվածքային ստորաբաժանումներ» բաժնի «Ընդամենը՝ Երևանի քաղաքապետարան»» տողում «695.5» և «236,546,845» թվերը փոխարինել համապատասխանաբար «699.5» և «237,808,245» թվերով:

3) «Ամբողջը» տողում «1995.5» և «621,127,645» թվերը փոխարինել «1999.5» և «622,389,045» թվերով:

2. Սույն որոշումն ուժի մեջ է մտնում Երևանի քաղաքապետարանի աշխատակազմի համայնքային ծառայության պաշտոնների անվանացանկում համապատասխան

փոփոխություններ և լրացումներ կատարելու մասին Հայաստանի Հանրապետության տարածքային կառավարման և ենթակառուցվածքների նախարարի համապատասխան իրավական ակտն ուժի մեջ մտնելու պահից:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ՝ ԼԵՎՈՆ ՀՈՎՀԱՆՆԻՍՅԱՆ**

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ՀՈԿՏԵՄԲԵՐԻ 29-Ի N10-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Ղեկավարվելով Երևան համայնքի ավագանու կողմից հաստատված «Կայուն էներգետիկ զարգացման» և «Կանաչ քաղաք» գործողությունների ծրագրերով՝ 2021թ. փետրվարին Երևանի քաղաքապետարանը ՄԱԿ-ի Զարգացման ծրագրի հայաստանյան գրասենյակի հետ համատեղ ստորագրել է մտադրությունների մասին հուշագիր, որի շրջանակներում մեկնարկել է Երևան քաղաքում համայնքային էներգետիկ կառավարման համակարգի (այսուհետ՝ Համակարգ) ներդրման գործընթացը:

Էներգետիկ կառավարման համակարգի հիմնական նպատակը Երևանի քաղաքապետարանի ենթակայության ընկերությունների/կազմակերպությունների շենքերում և շինություններում, հանրային լուսավորության համակարգերում էներգախնայողության և էներգաարդյունավետության բարձրացման միջոցառումների համակարգումն է, հարմարավետության անհրաժեշտ մակարդակի ապահովումն ու էներգաարդյունավետության ներուժի գնահատումը, վառելիքաէներգետիկ ռեսուրսների և ջրի սպառման ծավալների կառավարման, վերահսկման ու մոնիտորինգի իրականացման ապահովումը: Այն ներառելու է էներգիայի արտադրության և սպառման գործընթացների պլանավորում, կազմակերպում, սարքավորումների ու համակարգերի շահագործում և պահպանում, ինչպես նաև սպառման ցուցանիշների մշտական հասանելիություն և ծախսարդյունավետության ապահովում:

Համակարգի ներդրմամբ իրականացվելու է համայնքի տարածքում էներգետիկ հոսքերի ցուցանիշների (տեխնոլոգիական, տնտեսական, սոցիալական և բնապահպանական) համակարգված և մշտական վերահսկումն ու կառավարումը՝ սկսած էներգիայի ձեռքբերման և/կամ արտադրության, փոխակերպման գործընթացներից մինչև էներգիայի վերջնական սպառումը, ապահովվելու է համայնքի էներգետիկ կառավարման կայունությունը՝ նվազագույնի հասցնելով գործող համակարգերի ազդեցությունը շրջակա միջավայրի վրա, ապահովվելով նաև զգալի տնտեսական օգուտներ համայնքային բյուջեի խելամիտ կառավարման համար:

Այն նպաստելու է նաև Երևան համայնքում կայուն էներգետիկ ծրագրերի պատշաճ պլանավորմանն ու իրականացմանը, հասարակական շենքերում էներգասպառման մոնիտորինգի համակարգի կայացմանը, հավաքագրված տվյալների պահպանմանը, էներգաարդյունավետության բարձրացման միջոցառումների իրականացման արդյունքում՝ ձեռքբերված էներգախնայողության ու ջերմոցային գազերի արտանետումների կրճատումների գնահատմանը:

Համակարգի ներդրմամբ ակնկալվում է նաև էներգիայի կառավարման տեղեկատվական համակարգի ներդրում, համայնքային ենթակայության հասարակական շենք-շինությունների, բակային ու փողոցային լուսավորության համակարգերի և տրանսպորտի ոլորտում էներգետիկ տվյալների շտեմարանի ձևավորում, էներգաարդյունավետ արդիականացման համար նպատակահարմար օբյեկտների ընտրության չափորոշիչների և մեխանիզմների սահմանում, էներգաարդյունավետության բարձրացմանն ուղղած միջոցների նպատակային օգտագործման համար շրջանառու հիմնադրամի ստեղծում, էներգետիկ կառավարիչների և էներգետիկ պատասխանատուների վերապատրաստման նպատակով ուսումնական գործընթացների կազմակերպում, իրականացում և այլն:

Համակարգի ներդրման կարևոր բաղադրիչ հանդիսացող էներգետիկ կառավարման տեղեկատվական համակարգը (այսուհետ՝ ԷԿՏՀ) ծրագրային գործիք է, որը համատեղում է շենքի ջերմատեխնիկական տվյալներն ու էներգիայի և ռեսուրսների սպառման վերաբերյալ ցուցանիշները, իրականացնում էներգաարդյունավետության ցուցանիշների մոնիտորինգ, ինչպես նաև հնարավորություն է տալիս ինքնաշխատ կերպով կազմել շենքում էներգիայի սպառման, էներգախնայողության և ջերմոցային գազերի արտանետումների (կրճատման) մասին զեկույցներ: ԷԿՏՀ-ն հասանելի է դառնալու առցանց հավելվածի միջոցով: Այն տվյալների բազայի վրա հիմնված ծրագիր է՝ բաղկացած շենքերում սպառված և/կամ արտադրված/առաքված էներգիայի (ժամային, միջին օրական, ամսական, տարեկան քանակությունների), սպառված ջրի և արտաքին/ներքին օդի հիդրոոդերևութաբանական տվյալների աղյուսակներից:

ԷԿՏՀ-ն հնարավորություն է տալիս.

- թարմացնել և պահպանել համայնքային շենքերի, բակային և փողոցային լուսավորության օբյեկտների վերաբերյալ ընդհանուր տեղեկատվության բազան,
- մուտքագրել և հետևել էներգիայի բոլոր տեսակների և ջրի սպառման տվյալներին,
- տրամադրել հաշվետվություններ՝ ըստ օգտագործողի նախապատվությունների կամ գոյություն ունեցող ձևանմուշների:

ԷԿՏՀ-ի տվյալները հավաքագրվելու են՝ էներգամատակարարող ընկերությունների («ՀԷՑ» ՓԲԸ, «Գազպրոմ-Արմենիա» ՓԲԸ), «Վեոլիա Ջուր» ընկերության և Հիդրոոդերևութաբանության և մոնիտորինգի կենտրոնի կողմից էներգասպառման /բնական գազ, էլեկտրաէներգիա/, ջրի սպառման և օդի ջերմաստիճանի և հարաբերական խոնավության վերաբերյալ օրական, շաբաթական և ամսական կտրվածքով տվյալների տրամադրման միջոցով:

ԷԿՏՀ-ում առաջին հերթին կներառվեն Երևանի քաղաքապետարանի ենթակայության շուրջ 320 հասարակական շենքերը: ԷԿՏՀ-ի հիմնական շահառուներ են հանդիսանալու համայնքները, հասարակական շենքերի օգտատերերը, շենքերի էներգետիկ բնութագրերի մասնագետները, էներգետիկ կառավարիչները, էներգետիկ աուդիտորները, սերտիֆիկացնող մարմինները, պոտենցիալ վարկառուները, առևտրային

բանկերը, միջազգային դոնոր կազմակերպությունները և այլ շահագրգիռ պետական և մասնավոր ընկերությունները, ինչպես նաև բնակելի շենքերի բնակիչները:

Համակարգի ներդրման հիմական գործողությունները մեկնարկել են Երևանի քաղաքապետի 2022թ. ապրիլի 5-ի թիվ 1266-Ա որոշմամբ՝ ներառելով քաղաքապետարանի ենթակայության շուրջ 320 ընկերությունների/կազմակերպությունների հասարակական շենք շինությունները (մանկապարտեզները, առողջապահական հիմնարկները, գրադարանները, երաժշտական և արվեստի դպրոցները, թանգարաններն ու թատրոնները, մանկապատանեկան ու մշակութային կենտրոնները, մարզադպրոցներն ու վարչական շենքերը, ինչպես նաև քաղաքապետարանի ենթակայության այլ ՀՈԱԿ-ներ և ՓԲԸ-ներ): Որոշման համաձայն ստեղծվել է համակարգող աշխատանքային խումբ՝ քաղաքապետի առաջին տեղակալի, քաղաքապետի պաշտոնակատարի ղեկավարությամբ:

Հարկ է ընդգծել նաև, որ ըստ ՄԱԶԾ և Քաղաքապետարանի միջև կնքված հուշագրի ՄԱԶԾ-ԿԿՀ ծրագրի գործառնական ավարտից հետո, Երևան համայնքն էներգետիկ կառավարման համակարգի բնականոն և շարունակական աշխատանքներն ապահովելու համար ստանձնել է պարտավորություն Երևանի քաղաքապետարանի աշխատակազմի կառուցվածքում ստեղծել էներգետիկ կառավարչի հաստիքային միավոր և էներգետիկ կառավարման բաժին:

Միևնույն ժամանակ Զարգացման և ներդրումային ծրագրերի վարչությունը քաղաքի զարգացման և ներդրումային ծրագրերի մշակման և իրագործման բնագավառում Երևանի քաղաքապետին վերապահված լիազորություններից բխող գործառույթների իրականացումից զատ՝ ակտիվ գործունեություն է ծավալում նաև քաղաքային կայուն զարգացման, կլիմայի փոփոխության ազդեցության մեղմման ու հարմարվողականության, վերականգնվող էներգետիկ աղբյուրների կիրառման, էներգախնայողության և էներգաարդյունավետության բարձրացմանն ուղղված ծրագրերի և միջոցառումների իրականացման բնագավառներում:

Հաշվի առնելով վերոգրյալը՝ համայնքի էներգետիկ կառավարման աշխատանքներն առավել արդյունավետ և հասցեական կազմակերպելու նպատակով առաջարկվում է Զարգացման և ներդրումային ծրագրերի վարչության հաստիքներն ավելացնել թվով 4 միավորով, մասնավորապես՝ մեկ բաժնի ավելացում-համալրում: Բաժինը կանվանվի էներգետիկ կառավարման բաժին և կունենա չորս աշխատակից, մասնավորապես՝ մեկ բաժնի պետ, մեկ գլխավոր մասնագետ և երկու առաջատար մասնագետ՝ ունենալով էներգետիկ, տնտեսագիտական ու հարակից մասնագիտությունների որակավորումներ: Բաժնի պետը պետք է իրականացնի նաև էներգետիկ կառավարչին վերապահված գործառույթները:

**Զարգացման և ներդրումային ծրագրերի վարչության
առաջարկվող հաստիքակազմը**

	Զարգացման և ներդրումային ծրագրերի վարչություն	Հաստիքային միավոր
	վարչության պետ	1
	վարչության պետի տեղակալ	1
	Ընդամենը՝	2
	Զարգացման և ներդրումային ենթակառուցվածքային ծրագրերի բաժին	
	բաժնի պետ	1
	գլխավոր մասնագետ	1
	առաջատար մասնագետ	2
	առաջին կարգի մասնագետ	1
	Ընդամենը՝	5
	Միջազգային ներդրումային և այլ հաստատությունների նախագծերի համակարգման բաժին	
	բաժնի պետ	1
	գլխավոր մասնագետ	1
	առաջատար մասնագետ	1
	Ընդամենը՝	3
	Էներգետիկ կառավարման բաժին	
	բաժնի պետ	1
	գլխավոր մասնագետ	1
	առաջատար մասնագետ	2

	Ընդամենը՝	4
	ԸՆԴԱՄԵՆԸ	14

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ՝

ԼԵՎՈՆ ՀՈՎՀԱՆՆԻՍՅԱՆ

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ՀՈԿՏԵՄԲԵՐԻ 29-Ի N10-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

«Երևան քաղաքի ավագանու 2018 թվականի հոկտեմբերի 29-ի N10-Ա որոշման մեջ փոփոխություններ կատարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ՀՈԿՏԵՄԲԵՐԻ 29-Ի N10-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևան քաղաքի ավագանու 2018 թվականի հոկտեմբերի 29-ի N10-Ա որոշման մեջ փոփոխություններ կատարելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեում ծախսերի էական փոփոխություն չի նախատեսվում:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ՝**

ԼԵՎՈՆ ՀՈՎՀԱՆՆԻՍՅԱՆ